

## **NOTAT VEDR. STYREREPRESENTASJON I ULIKE SELSKAP MED KOMMUNALT EIGARSKAP**

Vest-Telemarkrådet (Rådet) gav i møte 19. mars rådmennene i oppgåve å greie ut i høve til styrerrepresentasjon i dei ulike selskapa der kommunane har eigarskap.

Nedanfor fylgjer ei oppstilling av sentrale regionale selskap som kommunane eig fullt ut sjølv eller er medeigarar i. Lista er nødvendigvis ikkje uttømande og ein har heller ikkje tatt med selskap der kun ein kommune har eigarskap og heller ikkje tatt med selskap som t.d. Kvito AS som er eit samarbeid mellom tre kommunar.

Dei ulike interkommunale selskapa kan delast i § 27-samarbeid, AS, IKS, vertskommunemodell og stifting.

### **Av § 27-samarbeid har vi :**

Vest-Telemarkrådet (VTR).

Interkommunalt utvalg mot akutt forurensing i Telemark (IUA Telemark) .

### **Av interkommunale AS har vi:**

*Vest-Telemark Kraftlag AS (VTK)*

Selskapet er heileigd av Vest-Telemark kommunane. Tre veker før generalforsamling foreslår dei respektive eigarane to kandidatar til styret (ein mann og ei kvinne). Av dei 12 kandidatane vel generalforsamlinga tre menn og tre kvinner til styret. Dei andre blir varamedlemar.

*Vest-Telemark Næringsbygg AS (VTN)*

For det meste eigd av Vest-Telemark kommunane i tillegg til Drangedal kommune, Hjartdal kommune, fylkeskommunen og nokre private aksjonærar.

Vest-Telemark kommunane eig om lag 60% av aksjane.

Valkomiteen har frå i år førespurt kommunane og fylkeskommunen om forslag til representantar til styret.

*Vest-Telemark Næringsutvikling AS (VTNU)*

Eigd av VTN og styret har sålangt vore identisk med styret i VTN.

*Telemark Bilruter AS*

Kommunane Vinje, Fyresdal, Seljord og Tokke eig 30% av aksjane.

Om kommunane vil vere representert i selskapet må dei sjølv fremje dette overfor valkomiteen eller i generalforsamlinga.

### *Vest-Telemark Blad AS*

Vedtektsfesta at det skal vere ein representant frå kvar kommune. Val av kommunerepresentant gjer valkomiteen på eige grunnlag.

Vest-Telemark kommunane eig tilsaman 37,15% av aksjane. Resten er eigd av bankar og private.

### **Av § 27 selskap har vi**

#### **Av IKS har vi:**

##### *Vest-Telemark Pedagogisk psykologisk teneste (PPT IKS)*

Rådet utgjer representantskapet. I selskapsavtala står det at styret skal vere samansett av ein rådmann, ein skulefagleg ansvarleg og ein økonomisjef. Praksisen har vore at leiarane av forum for utdanning (skulesjeflaget) har vore leiar av styret. Dagleg leiar har tatt kontakt med kommunane for å finne styrekandidatar. Ordførarar kan ikkje sitje i styret da dei sit i representantskapet.

##### *Vest-Telemark brannvesen IKS*

Rådet utgjer representantskapet. Pr. i dag sit der to rådmenn og ein teknisk sjef i styret.

I selskapsavtala heiter det at det styret skal vere samansett av ein ordførar/leiar av utval, ein rådmann og ein fagperson. Ordførarar kan ikkje sitje i styret da dei sit i representantskapet.

Ingen føringar i selskapsavtala på styresamsetning.

##### *Renovest IKS*

Rådet utgjer representantskapet.

Styret er samansett av politisk og administrative representantar.

Alle fem kommunane skal vere representert i styret. Ordførarar kan ikkje sitje i styret da dei sit i representantskapet. Representantskapet via dagleg leiar inviterer kommunane til å foreslå styrekandidatar. Ingen føringar i selskapsavtala på styresamsetning.

##### *Vest-Telemark museum – stifting*

Valkomiteen har ingen føringar på kommunerepresentasjon og foreslår representantar på fritt grunnlag.

Kommunane vel sjølv sin representant til representantskapsmøte med høve til å møte med ein frå kvar kommune.

#### **Av vertskommunesamarbeid har vi:**

##### *Barnevernssamarbeidet i Vest-Telemark*

Barnevernssamarbeidet i Vest-Telemark administrativt underlagt rådmannen i vertskommunen som rapporterer til sitt kommunestyret. Dei andre kommunene i dette samarbeidet blir orientert via årsmelding som formelt blir godkjent av vertskommunen, men blir sendt over til dei respektive kommunane til orientering.

#### **Av stiftingar har vi:**

##### *Vest-Telemark museum – stifting*

Valkomiteen har ingen føringar på kommunerepresentasjon og foreslår representantar på fritt grunnlag.

Kommunane vel sjølv sin representant til representantskapsmøte med høve til å møte med ein frå kvar kommune.

**Generelle kommentarar:**

Rådmennene har i sitt møte 9. og 26. april drøfta oppgåva og legg her fram generelle kommentar for å greie ut i høve til styrrepresentasjon i dei ulike selskapa der kommunane har eigarskap.

1. Rådmennene meiner at selskapa VTK, VTNU, VTN der alle på det næreste er eigmund av kommunane bør visast særskilt politisk interesse ved samansetning av styra.
2. Styra treng ikkje vere reint politisk samansettet da det kan ha høg verdi om styret både har politisk kompetanse og fagleg spisskompetanse utanfrå om denne ikkje finnест i dei politiske miljøa. Styret bør difor ikkje samansetjast ut frå ein partipolitisk kabal.
3. Valde politikarar bør om ikkje anna er avgjerande kome frå kommunestyre eller formannskap og velgjast for to år om gonga med høve til attval for ein ny to-årsperiode. Det bør og setjast begrensing for kor lenge ein styreleiar bør sitje, t.d. maks 8 år. Desse begrensingane bør også gjelde for tilsette i administrasjonen eller andre som blir vald.
4. Generalforsamlingar/representantselskap bør få i oppgåve å innarbeide tidsavgrensingar for kor lenge styremedlemer og styreleiarar skal kunne sitje og få desse føringane lagt inn i vedtekten/selskapsavtalene for selskapa. Slike tidsbegrensingar bør gjelde alle valde medlemmar både politiske og administrative.
5. Det er ein føresetnad at kvinnerepresentasjonen på 40% overhaldast i alle inntekommunale selskap som i det vesentlege er eigmund av kommunane. Det kan vere uheldig å gjere det slik at nå er det din "tur" til å stille med ei kvinne. Ein må ha ei meir offensiv haldning her og la dyktige kvinner få innpass i styra uavhengig av kommunetilknytning. Med ei litt pragmatisk haldning her der Rådet er tideleg ute med å legge "kabalen" bør dette kunne løysast på ein god måte.
6. Rådet bør avsetje tid ein dag i januar kvart år for å ha fokus på val i dei respektive selskap for om mogeleg fremje ei omforent forslag på kandidatar til valkomiteane for dei respektive selskapa eller om ikkje valkomite finnест kunne legge fram eit omforent forslag for generalforsamling/representantskap.
7. Rådet må i sitt arbeid ha stort fokus på habilitet ved val av representantar.
8. I selskap som ikkje er heileigde av kommunane, men der kommunane sit med store aksjepostar bør Rådet så langt som råd drøfte og samordne sine syn for lettare å få inn eigne kandidatar i styra. Helst da med ei oppfordring til valnemnd.
9. Selskap som PPT IKS og Vest-Telemark brannvesen IKS er selskap som underbygger dei kommunale tenestene som blir gjitt innan fagområdet. Rådmennene meiner at dette selskapet er svært fagleg orienter og at oppgåvane deira mest høyrer heime administrativt.

Rådmennene tilrår at rådmannsutvalet vel kandidatane til desse styra som blir samansett av rådmenn, fagfolk og økonomisjefar som i dag. Verva rullerer med dei tidsavgrensingane ein blir samde om for andre selskap kommunane har eigarinteresser i. Styret blir om ikkje anna er tenleg leia av ein rådmann.

10. Renovest er eit selskap som har ei politisk interesse, om ikkje anna for å sjå til at avgiftene som blir kravd inn står i forhold til forventa tenestetilbod til innbyggjarane. I desse selskapa bør også det administrative nivået vere representert for å kvalitetssikre og vere med på å setje ein standar for tenestetilboden som er samanliknbart med andre kommunale tenestetilbod. Arbeidsutvalet (AU) som førebur saker til Rådet kan her vere det organet som kjem med forslag på styrerrepresentasjon til representantskapet eller at t.d. ein rådmann tiltrer Rådet delevis eller heilt når styrerrepresentasjon blir drøfta.
11. Nokon av selskapa/samarbeida har styrehonorar, andre har det ikkje. Renovest IKS er eit døme på selskap med styrehonorar medan Vest-Tekmark brannvesen IKS er eit samanliknbart selskap utan styrehonorar. Rådmennene rår til at det bør gjerast ein gjennomgang av interkommunale selskap/samarbeid for å få til ei heilsakleg vurdering av honorar for styrerrepresentasjon.